

OMUKUETU

No: 8.

Auguste

1954



Martti Simojoki

OSHOKA MPOKA KU NA JAALI NENGE JATATU JA GONGALA MEDINA LJANDJE, ONGAME ONDI LI MOKATI KAHO. Mat. 18:20.

Oluindjilindji tui iegameke keuvaneko ndika lja Jesus: „Mpoka ku na jaali nenge jatatu ja gongala medina llandje, ongame ondi li mokati kauo.” Oje a guanica euvaneko ndika lje. Notua makele uutoje uOmuua

Ihe onaua nge tatu tala evangeli nkene tali kuatakanica oohapu dika noohapu oonkuauo. Taku popiua eopaleko ljokukalacana naamuajina meitaalo kokukumagidacana no kokupacana ombili. Oohapu dika domOmbimbeli ano da hala oku tu lombuela kutja okukala kuOmuua mokati ketu inaku hala oku tu pa omaiuvito omauanaua ageke, ihe uunene tse tu ece uuinaji mbuka u li mokati ketu ohoole jetu jokuhooolacana jaa kudilue. Oshinima shika mpoka tashi kondjelua, mpoka taku lalakanenua shili ombepo johoole ji pangele mokukalacana kuaantu, Omuaa Jesus omo e li moka, opo ehala lja Kalungali guanicue kombanda jevi uo ngashi hali guanicua megulu. Na Mateus ta guedeleko mpaka natango euvaneko ndika euanauela: ngele jaali jomune kombanda jevi ju uvanene sha no taje shi indile, otaje shi peua ku Tate megulu. Mookhapu dika tatu dimbulula nkene oshinima shika shokukondjela ohoole jokuhooolacana osho oshinene shili shi nondilo kaalongua ja Jesus.

Onaua nge tatu taamba oohapu dika di tsakanicue mutse. Osho oshinima oshidiguelala okuguanica ohoole mokukalacana kuaantu. Omuntu guopanshitue oha njengua mpaka. Shila tatu vulu ngaa okuhalela oojakuetu uuanaua, ihe ohoole ndjoka taji siikile uunjengui uoojakuetu na ndjoka ji ja jambule ando momapuko gauo, ondjoka katu ji na, nando ogumue guomutse. Shika Jesus e shi shi, onguka ta tseja shoka shi li momuenjo guomuntu. Mpoka taku kondjelua ohoole jokuhooolacana, opo e li Omuaa nomupangeli. Shika otashi ti kutja oonkondo adihe dekulilo omo di li, no tadi tu longica shaa tatu zimine okulandula epukululo lja Jesus moshinima tuu shika. Jesus oje Omuaa.

Natu kondjeni ano shili tsetu guanice oshinakuguanicua shohoole. Natu tileni shili okukalacana noojakuetu katu nombili najo. Natu shi kondjeleni shili. Natu hanganeni okugalikanena oojakuetu. Notangotango natu itaalenj Jesus nguka iha njengua ku sha tse tu mu inekele.

Elundululo ljomoohapu da Martti Simojoki.

Aajenda jetu omubisofi Martti Simojoki nomuulikitumo Tuure Vapaavuori oja ciki.

Jaloo, ndangi sho mue ja. Omua tegelelua nondjuulukue. Kalunga Tate na laleke nuujamba etalelopo ndika.

Aakriste aakuetu natu diginineni okugalikanena olueendo nduka luaajenda jetu.

ADMINISTRATEUR OMUPE

gua S.W.A. sho a talelepo evi ljaauambo pomasiku ngaka, okua ningi uo oshigongi pamue naandonga muua uomukuaniilua Eino Joh. Kambonde esiku eti 12 lja Julie 1954.

Aakauili ja tumua je ke mu tsakaneeke nuukambe manga ongundu jaandonga ajehe ja kuutumba pombeleua jomukuaniilua, mpoka pua tungua etsali euanaua ljaajenda.

Omujenda sho a zi moshihauto ongundu ajihe ja cikama pamue nomukuaniilua guauo no ji imbi eimbilo 427.

Omujenda okua holola enjanju lje enene moluekundo ndjoka, osho a kundu uo omukuaniilua nomalenga naantu ajehe. - Okue tu ulukile omuhona omupe guaa-uambo omupeha gua Nakale, edina lje Blignout.

Omujenda okui iholola uo nkene oje a peua oshimpuju sha S.W.Afrika alihe a kale Administrateur, He nomujakuli gua ajehe jo mu S.W.A.

Administrateur okua hokolola nkene a li omulongi guoskola oomvula 20, moka i ilongo okuhoola aantu nokuninga shoka tashi opalele aantu. - A hokolola uo nkene a kala omulongi guomapja giimeno ji ili no ji ili, nomuputudi guimuna, moka a likola oondunge odindji dokupukulula aantu nkene je nokulonga omapja noku-tanica iipaluca jauo.

Omapukululo ge omauanaua gamue ogo ngaka:

Aantu ajehe naa kale aadiginini jiiilonga. Iilonga ohaji koleke oshiguana no muukolele uopalutu no taji ningi oshiguana oshijamba.

Omapja naga longue niipululo iilja ji ninge ojindjijindi. Oongombe nadi hogololelue oontsezi doludi olunene di kale oonene donjama ojindji, di uape okulandicua iimaliua ojindji. Ouenda joo-ngombe otaji gandja ompito oongombe di ka landicue shaa mpoka.

Iipa joongombe no jiiikombo naji juue naua jaa na oombululu, jo ji anekue naua ja tulua omongua e taji gonjua naua ji ka landicue shaa mpoka. Uundongi ouo oshiponga shevi. Iimuna itaji kolo manga uundongi u li po.

Ouenda jaantu jokutida po omikici doka da hala okujona po iiguana, ojo ombuanaua shili. Holomenda ngele ti icana aantu ja ka uendue, kehe ngoka na je.

Aavu naa falue kiipangelo mbala manga uuvu inau koka.

Aantu ajehe naa diginine okuja mooskola ja longue, oshiguana shi hume komeho.

Oonakuhokanacana naa je mehokanico ljopaveta, oljo li noondunge oombuanaua tadi ka kuaca oshiguana.



Tuure Vapaavuori

JESUS OMUKULILI.

Jesus, ngoj' Omumangululi, Ue tu sile, ngashi tu li
No ua zala shekoshani Peha llandje ngu omukani. Kuaca ndje, ndi pandule.

'Lago ndjoka kali hulu, Ue li cigi po megulu.

No ua taamb' omushigakano Tse tuua ningine mekano. Ngoj' ua ning' omuhupici.

'Hoole joj' onene shili, Jokuhoool' aapudukili.

Otse tuu ua hepekelua, Oondjo det' ua dipagelua. Ngoje ngu, Onzigona.

Oondjo dandj' oonene ano, De ku pe omushigakano.

Akutu, omuenjo guandje, Nkene u li po ua suunje, oku mu hambelelela.

Okoompadi doj' te lili, No te galikana shili:

Jesus, adimicila ndje, Hoole joj' momuenjo guandje, nkene ngoj' ua sile ndje.

Ngash' ongala tandi ganja, ihe ndi li po kemaanja ndjo ljaaluhe, ihe tila, nando okuja mombila, Jesus nge to koleke.

Huka ndi li po omujenda, Nokomushigakanohenda, Tandi uuka omegulu, Ndjenda dika sho da hulu, Oko to ka fala ndje;

S. V. K. 65 b. „Jesus, Vapahtaja Sulle“

Ekuatacano lja tungua pokati ka Union na S.W.A. aapangeli oja hala oku li diginina meuuvacano euanaua.

Administrateur okua gandja omagano komukuaniilua no kaakuaniilua aakulukadi aakuluntu.

Okua peua uo ombapila ja njolua komukuaniilua nomalenga ge joku mu halela ejambeko lja Kalunga moshilonga she oshinene noku mu hololela uo ompumbue detu dimue. Okua taamba uo nenjanju omagano e ga peua komukuaniilua.

Administrateur guetu a shuna ku Windhoek. esiku eti 14 lja Julie 1954.

SHITLANGU.

omuna guokombanda.

Lja njolua
ku
Andre de Clerk
na
Eduardo Mondlane

Lja lundulua
ku
Hosea Namupala.

Ngashingeji tatu tameke okuholola mOmukuetu kehe ehokolotsikilo li nedina SHITLANGU. Shitlangu nenge Eduardo Mondlane omulumentu omuluude kua valelua mu Suid Rhodesie noko ta ka longa natango nkoka ongomuuliki guoskola jontumba. Ihe ngashingeji oku li manga mu Amerika moskola jokombanda. Ehokololo ndika tali hokolola okukalamuenjo kua okuza kuunona sigo ongashingeji. Komeho tatu ka holola nefano lje uo.

Ontopolua ljo 1.

ONDJE MOSHINI.

Edimbuluco ljangje ljtango: oondunda ndatu da kondekua kiihua, di li mokalugumbo. Oljo egumbo ljaandjetu. Oondunda dino oombuanaua, noda kola, oda li da kondekua kenkolo nodi li kooha daljo, osho oshilando shaandjetu.

Kuku okua li e na omutse guomafutu omapu naua nonda li ndi gu hoole, O, omutse ngono, aaje.

No natango tuu shaa nda lala pevi momuzile guomumbolombonga otandi vulu okuimona ongokanona nda lala pooha da meme. Ote vulu okuuva eui lje. Okua li ta huaga oontanga, ti imbi oonote hamano deui e li uvu ku mushiinda esiku lja piti, no li na okudimbiua esiku ljonjala. Shitlangu

Kuku okua adika a mana okuhuaga ondumba je joontanga nokua li nduno ta longekida okutsa epuati opo mone omagadi goontanga. Okua cikama nokua lengalenga koombinga noombinga.

„Oshini“ osho a ngungutula, oshini oshi li peni?”

Pecimbo oljo tuu ndjoka okua didilike egumbo olja li lja muena. Kombinga ja Shitlangu ongiini?

Kuku ke shi egoja. Okua didilike kutja emueno lja tja ngeji oli nekuatacano nokukana po kuoshini mpoka uo okatekulu ka ji kuudano uako mokumuena. Ecimbo tuu ndjoka okua jambuka nokuli.

„Shitlangu-ee!“ okui igida neui lje ljomuule.

„Shitlangu-ee!“

Kuku okua tsikile iinima mbjoka okamati kepipi ljangje itaaka vulu oku ji zimina. Ota tegelele tuu ndi jamukule?

„Shitlangu-ee!“ Ota ka tseja uunake kutja ongame okamentu te pangele uulumentu uandje noje omukiintu guouala?

Auoo itandi jamukula.

„Shitlangu-ee-ee!“

Ngame sho nda tsikile emueno ndino euinaji, oje okue ja kungame nokua ada ndje ndi li mokati kuudano. Na uudano oua li uuanaua ngiini! Onda mono mokati kiiti iikukutu ongombe jolele, ongombe konjala taji tilica - ondje. Muuike no mokuaanuumbanda onda kondjica oshinamuenjo shika nonda cindi omutse guasho. Nena ondi hunuce oshihakanua shandje? Kape na etilo. Ondu umbile ondje mu shimue shomiini iinene jiiti moka aakulukadi haa tsu omapungu noontanga. Kobi joshini momututu uugulu oua li tau canganja. Onda kuca omuhi nonda tameke okuhopola oshikuiila shondje. Kage shi ando omadiladilo omauanaua ngano? Onda hopolele ondje koshini kashona na kashona. Sho tandi hopola otaku ti „tsapu, tsapu“ ngame note jamukula: „tsipa ondje! tsipa ondje! tsipa ondje!“ Uudano oua li uuanaua shili komumati omunene.

„Shitlangu,“ kuku osho a ti, „oto dana shike? Oto vundakanicile shike iinima?“

„Itandi ningi sha kuku“

„Itoo ningi sha ngiini? Oshini shetu osha ninga onka, otashi nika naji.“

„Kape na sha kuku!“

Okue entamene mo nokua mono omushila.

„Uuu! Ondje ji li mo! Uutsini uokanona. Otake tu etele iihuna, nondjahi jaa-cici otaji guile kombanda jevi. Ookuku mbo ja sa otaje tu geele. Komeho ota ka dana ecimbicimbi, oshinamuenjo shoka oshiuinaji unene. Otashi ti otu na shili iihuna mokati ketu.

Kuku okua taalele ndje nuupenda mboka nda li inaandi u mu diladilila. Okua kuata ndje mokuuako, sho nda pulukuta nokucanganja noonkondo, oku undulile ndje mondjugo je nokue edilile ndje mo.

Ngame kandi na nando elago. Ookuku juumatjona ulue ohaje u eca u kale nombili. Ohaa ti: „Iinima juunona,“ e taa muena.

Inandi kala mo ecimbo ele mondolongo jandje jomilema. Meme okua galuka kedija nokua pula ndje. Kuku ina pumbua edingoloko okuhokolola ehokololo lje.

„Okamuoje oshiponga negoja. Ando okua li ootu inaa kuca momutse gue okutsa okapuka okauinaji koshini shetu Okua ada peni omagamo ge cike mpono? Otatu kala aakiintu jaali oohepele atuke megumbo ljetu, ihe otu nokuninga ondunde mbala. Okamati nkaka otaka koko tse inaatu didilika sha. Ope na uuanaua uashike ngele ke nokukala montoki ja jina?“

„Kuku“ Meme osho a kambadala okuja mo.


„Kuku, ongame nda vala okanona nkaka, ihe ihandi ka jamuca ue. Ngele oku hoole okukuata uupuka otashi hokolola shike? Okua kuca oshiholelua ku kuku, ngu a li e ku hokana hugunina, ofule nomukongo omudiginini--“

„Kamuandje, okamati hano oka li ke nokukala kchambo nale nokuli. Oue ka tila. Dimbulukua oko omukuanilua guetu omunene. Otaka mono ko oshiponga sha shike kohambo? Omajoka? Oge li ko ouala ngashi ge li nomomagumbo, osho ge li nomelundu. Shaa shoka hashi holama, ohashi holama kofi jiimeno. Tala nduno kuuinaji mbu a ningi! Okua homonona ko omuiidi guoundunda jandje ohela -- nogua halakana nokuli koombinga adihel! Na ngashi omuiidi guoundunda joje tagu gu ko, omoluashono omumuojje oje tuu ngono okua li a kambadala okulonda ko mokutida oondjubua. Oondunda detu oombuanaua! Ote ke di kaleka ngiini ngele tatu mu kaleke mpano omacimbo omale? Inashi opala okukala megumbo euinaji ngeji lja li hali silua naua oshimpuju komukiintu omugundjuka, ngashi a li po pomacimbo getu, ngoka iha cigi omuhi gua lala pevi ngele a mana okulonga, ihe ote gu egeke naua pehalä ljuguo. Ihe omukiintu ngashi ngojel! Tala ouala kiihampi jikuni sho inaa ji tulua naua, ondooha ndjine jaa na sha jo jaa na oshilonga, omasipa ngo ge ekeluahi kokanona koombinga noombinga. Uuheci mbuno itau ididimikilua! Oto mu tanga niiteuo? Uujimbilo uuanaua ite u pumbua ngashingeji. Mu pa iikombo e to mu gandja komunahambo.

Meme okua tula ocingo kepepe nokua ti: „Onaua - pamue oMadsheriman?“ „Osho lela. Madsheriman okua kala ha lica iikombo jetu ngashi tashi vulika.“

Omomilema dandje mondjugo onda kala nokupulakana oonkundacana dika naua. Kapua li nando oshimue sha piti ndje pombambo. Kiiikombo, okuendaenda miihua pamue na Madsheriman -- eeno! Ihe itandi ka sa ondjala ngele meme ita ji nangame opo a kale ha pe ndje iipaluca? Otandi ka kala auike. Otandi ka sondjala. Onda kuatua kejeme, omeho gandje nogu uda omahodi.

(Tapu tsikilua mu September.)



OOSKEPA.

Naalenaale aantu ajehe oja tila kefuta. Oouato dauo oda li po oonshona unene. Onkee aantu oja njengua okuenda miikungulu nomomakucikuci omanene Ngele ja kambadala okuenda kefuta, oja aadika oluindji keso euinaji.

Kashona na kashona aantu oja mono oondunge dokutungua ooskepa da kola. Odo inadi hokua ue moshiti shimue, aue, oda pangelua kumue naua nuunkulungu. Ihe ooskepa da tja ngaaka sho da li po oonene noodigu, aantu oja mono uudigu moku di duga. Onkee oja tungu omalapi omanene haga icanua oosajila, noje ga tsilike kiiti iile. Ombepo sho ja pepele moosajila oju undula oskepa ajihe luokomeho. Oskepa ja tja ngeji joosajila oja fanekua mefano ljetu ljonngashingeji. Natango momumvo 1947 ongundu onene jaahongi aasuomi oje ja ku Afrika noskepa joosaila je endicua kombepo ajike. Ngashingeji ooskepa da tja ngaaka konjala ihadi monika ue komafuta.

Okuendicua koonkondo dombepo ihaku vulika aluhe: Esiku limue ombepo otaji koda cilu. Esiku ekuuuo otali pepe aantu moshipala, onkee itaa humu komeho. Omolua shoka aantu oja tameke okukonga oonkondo dilue di shi kuendicua ooskepa dauo. Osho ngeji oja mono omuku ugu noonkondo odindji. Oja tameke okutungila mooskepa dauo omaziko omanene taga fulukica omeja moombiga oonene. Omuku ngoka tagu zi mo, otagu endicua momiligu notagu undulicua omagulu omanene. Omagulu ngoka ngele ga tameke okudingoloka, gamue gomugo ngoka ge li konima joskepa mefuta, otaga undula omeja gomefuta luo konima. Omolu eundulo ndjoka oskepa otaji ende ihe luo komeho.

Muujuni uongashingeji ooskepa oonene ihadi longica ue omuku pamukalo ngoka. Odo odi na ngashingeji omashina ga fa kashona omashina gomakambamba, nando ngoka gomoooskepa ogo omanene noonkondo. Peha ljombensina ohamu tyulua omaoli gontumba. Ooskepa doka tadi longica ngeji omaoli, odi noonkondo nondapo.

Oskepa onene ndjoka taji kondo omafuta omanene, oja foshilando shi naantu oendji. Aanaskepa mboka haa longo mo, esiku limue oje cike pomacele gahamano, naajenda mboka taa endicua mo, ngiika oje vule ejuvi limue. Ando oskepa ji udicue shili naantu, ngashi pecimbo ljiita mokuendicua aakuiita, andola otamu guana nando omajovi gatano. Omolu aantu je cike mpoka, moskepa omu nokukala iikulja ojindjijindji. Omu nookombica odindji, noostora di ili nodi ili. Omu noposa, nongodi jokupopja, noshinjanjangido nokuli. Omu nomikala nooundunda niinjanga ji ili noji ili. Ajihe mbjoka otaji guana mo, oshoka uule uoskepa onene ou vule oonkatu omacele gaali. Omala gamo inaga landulacana ashike, aue, oga londacana uo, luhamano nenge luhetatu nokuli, ngashi moongulu oonene dokiilando.

Oku nokukala oshidugico shi cike peni okugalula oskepa ja tja ngaaka, ngele oja hala okuuka pombambo? Aue, kashi shi oshinene unene. Nando pu kale „okashila“ kecike pomijeelo dongerki ashike, otaka vulu okuukica oskepa pahalo ljomuendici.

OUNJUNI TAU HAPULA SHIKE

Swakopmund.

Mu Junie omepo idjuulela jokoushilo oja pepa mu Swakopmund nomu Walvis Bay. Oja kelela omashina olutenda okuenda pokati ka Swakopmund na Walvis Bay. Omasina olutenda a dja mu Windhoek inaa fika ku jele mu Swakopmund noma-sina oo a hangika e li mu Swakopmund inaa dula vali okutuikila a je ku Walvis Bay, osheshi eheke lihapu la etua komepo ola fila ondjila jolutenda. Omolu omepo idjuu opua li pua tuima, ovañu ve he ueteko.

Union.

Omupangeli omukuluñu uom'Union, Dr. Malan okua tawifa mu Mei eedula 80. Dr. Malan ina hala oshivilo shipene shedalo shi ningue, oñge ovakuauo vamue aveke ova li puje mefiku olo.

Mu Kapland odula oja loka neñgono mu Mei. Opua pita eedula 50, odula inai loka ngashi ja loka paife. Omapja nomau-mbo mahapu a jeelulua.

Kaapstad

Mu Kaapstad eembastera (kleurlinge) tadi tungilua oshihakulilo shinene omo mu neñele dovanauu di fike po 800. Moshihakulilo osho otamu ka kala jo enongelo lovahakuli.

Enongelo lovaftitaongalo eembastera.

Mefiku eti 24 la Mei enongelo lovaftitaongalo eembastera ola hovela oshilonga shalo mu Wellington. „Ongerkitumo ja Kaap mokati keembastera” (Die Kaapse Sendingkerk vir Kleurlinge) oja totua modula 1881 nokuli, ndelene fijo paife ongerki oja inai tekulilua naua ovafitaongalo eembastera. Ongudu joete ja hovelua mo-

dula 1930, ndelene mongudu oja mua li mu na ovahongua vavali aveke. Modula 1948 enongelo ol. hovelululua, ndelene ovahongua vatatu aveke ve u ja, Ouduaali enongelo la landelua oñele ipe nongulu je-nongelo nongulu jomambo (Biblioteek) neengulu dovahongua da tungua. Paife enongelo eli lipe ola hovela oshilonga shalo.

Enongelo lipe lovaftitaongalo ovalaule.

„Die Gereformeerde Kerk” oja tokola okudika enongelo lovaftitaongalo omu ovafitaongalo ovalaule tava tekulua. Shama tuu oimaliva oku li tungifa tai monika, oilonga jetungo tai hovelua. Menongelo eli ovo jo va hala okuninga ovaevangeliste tava tekulilua oshilonga shavo.

Oshiongalele shetumo mu Sweden

Mu Stockholm, moshilando shelelo la Sweden, omua ningua mu Mei oshiongalele shetumo, omo mua li mu novatumua vahapu vomatumo omu'Sweden nomu'Denemark nomu'Norwegen nomu'Suomi. Moshiongalele omua kundafanua omaudjuu oo e li paife moilongo jovapaani moshilonga shetumo, ndelene opua hololua jo ediladilo olo kutja Omuene uetumo ota ka shakenifa oshilonga shaje. Oshilonga shetumo shom'u Afrika jo osha kundafanua. Oshilonga opo shi ehene naua komesho, cmatumo neengerki dipe domoilongo jovapaani odi nokudiinina unene outeku ovafitaongalo novalongi.

Eengerka domajuvi da tungua mu Europa.

Peñele deengerka da hanaunua po moita ja huunina jounjuni opua tungua eengerka dipe domajuvi mu Europa. Ngashi medu lovafransa pua tungua ile tapu tungua eengerka di fike po 1500. Mu Holland omua tungua eengerka di fike po 400 nosho jo mu Duísland eengerka dihapu da tungua.

Ehapupalo lovañu.

Momudo 1952 mounjuni aushe omua li mu novañu ve fi ke po 2.469.000.000. Momundo umue ovañu va hapupala novañu ve fike po 30.000.000. Ovañu ngenge tava hapupala no komesho ngaha, eshi pua pita eedula 70, omuvalu uovañu otawu ka kala u dule luaali omuvalu uopaife.

Ovañu tava hapupala ngaha, osheshi eedula davo dokukala mounjuni oda ninga dihapu di dule doshito nounona vanini tava fi vali vahapu ngashi shito.

Ombimbeli aishe momalaka 200.

Ombimbeli aishe oja lundululua paife momalaka 200. Etestamenti Lipe ola lundululua momalaka 257. Embo loñumba om' Ombimbeli a lundululua momalaka 90. Keembinga neembinga domounjuni ovañu tava dula hano okulesha eendjovo dom' Ombimbeli momalaka 1167.

Japan.

Ovajapau ovakulu ova fimaneka nova longela omukesari uavo ngashi Kalunga. Mefimbo loita ja huunina omukesari jemuene a tokola kutja ina hala vali a fimanekue poñele ja Kalunga. Ndelene paife keembinga neembinga ovañu ova hovela vali oku mu fimaneka Kalunga kavu. Efimaneko eli lokufimaneka omukesari otali kelele ovañu vahapu okutaambula oukriste.

Ovahongi va huunina va teua po.

Ovahongi va huunina vomu'Mandshuria ova teua mo. (Oshilongo eshi shi li mu Asia, pokati ka Kiina na Japan. Oshilongo eshi jo oshi li mepangelo lovakommuniste). Oshilonga shetumo sha longua efimbo lile nomajambo mahapu osha hula po hano ngaha manga.

ELUVILUVI.

Omukuetu ngenge to tala eluviluvi oto mono ñgee la tunga eumbo lalo momuti, nomeumbo omua dja eengodi dihapu da kuata oitaji aishe jopopepi neumbo.

Odi ngenge taji tuka popepi neumbo otaji kuatua keengodi.

Ongodi oja ohaji linjenge fijo opo apa pe neluviluvi odi nge ja kuatua. Eluviluvi otali ende ne nokuhundjaunina odi, nongenge la fiki poti otali fipi mo ohonde nomeva oipeta e taji kala opo nando eedula mbali.

Hano vakuetu omutondi osho jo te tu kuata ngaha naa naa ngashi eluviluvi la kuata odi.

Efiku limue oto hangua to ji kongerki mondjila oto hangua kediladilo, konina oku na oitendele nena itandi ji ko vali komambo.

Eshi ua ja koitendele oto nu nde to li fijo e to fe ombome. Paife ova kuatua nee. Omutondi ote ja nde ta tula muove ouji u lili nou lili. Oto papala ngo eshi to vake, to longo oilonga jihe shivike apa ja juka.

Oñge hano omukuetu natu lungame, omutondi ote tu mangifa okangodi kanini ongodi jokuhondja oja kula oñge lungama.

Abraham Jakob
Windhoek.

Johannes Uguanga Windhoek ota ti: Tu matukeni mecigacano okumatukila kondjambi jesindano ku Kristus, inatu tala konima opo tuua ihatepo momasilu guujuni mbuka.

Oshinima shika osha popiua uo mOmbimbeli jetu mu Jak. 3:4. Moohapu doka omu nejele ndjoka tali tu longo shili oondunge. Unene ngele ua aadika ua mono oskepa onene nkene otaji endicua, oto uvu ko naua ejele ndjoka shoka tali ti.

MAKURANGEDO.

Vakuetu vaholike mvula ezi za ntantani izo mvura zendindiro ljokuuiza kua Hompa guetu Jesus Kristus. Amesi kenje mukriste ana si diva naua asi: Hompa guetu Jesus Kristus ana kara popepi nokuuiza.

Mukriste muketu tani ku tantere asi siruuo esi sa ntantani kenje gumue pevega ljendi, ndi kenje gumue kondejera puaroge

Menonkango da Karunga tamu tanta asi: Musindani taka mona sisani somuenjo guanarunje ogo kapi tagu haga po. Ualje ove mukriste mukuetu e si ono lisigilile ngoso monjata moruhondero no mounkolui no moipempa no mouidi. Ualje nje mukuetu muholike. Hompa guetu nsene ta uiza to ka tambula nzambi zo sinke?

Kanme mukuetu ruhodi rorunene nsenne Karunga Tate taka tu tantera asi: „Kapi na mu diva ame.” Rom. 4:7.

Malakia Kakumo
Mupini,
Okavango.

OLAMBA NAJI TEME.

Ovakuetu ovaholike ondi na enjeme linene shili, omolu ovakriste vakuetu eshi hatu tula olamba koshi jeholo Luk. 8:16-18. nando ja li ji nokutulua koshihukikuanjeka i minikile aveshe meumbo.

Fje tue ji holeka unene ava hatu kala mOushimba, olamba tuu oja joukriste uetu.

Ngenge hai dimbulukua oukali uetu meekomboni hatu lalakanene ashike oikutu, ndele oshikutu shashili hatu shi fie po osho Kristus ou e li oshikutu shiua ihashi kulupa nande.

Vakuetu tu kondjeleni eshi ihashi hulu po, opo tu moneni eñgono noupenda. Tala 2 Kor. 4:17-18. Neimbilo 76.

Gabriel Hishifola
Abenab.

OMUJAMBA NOHEPELE.

Ondu uvite uunkundi uunene omolu ombepo juujuni sho ja vuka unene naantu je li po taa iteka Kalunga. Onke onda diladila ejele lja tja ngeji.

Moshilongo shontumba omua li mu na omuntu e na ohepele nokua li he ji kuaca oluindji.

Ohepele sho ja jambapala oja tameke ihe okudina nokusheka omua guajo. Okua dimbua uudiga nuuhepele ue kua li e u na.

Natse aakriste jongashingeji osho to li moomuenjo detu. Otua tameke okusheka Kalunga nando oje e tu hupica miikaha ja satana. Nena sho tua hupicua otua tameke okudina nokusheka Ombepo ja Kalunga.

Tu kotokeni oojakuetu inatu eceni kuume ketu nokesilohenda nokombili, Jesus Kristus, a nikuucigua.

Martin Kukutu
Oranjemund

TONATELA OLUTU LUOJE.

Kalunga okua shiti olutu luomuntu luo opala. Olutu oluo omagano ga Kalunga omanene. Omuntu e noku lu diginina. Molutu mu na uo omufudo, Ombepo jOmuenjo ndjoka Kalunga e ji tula momuntu, omushitua gue oshifeca she muene.


Ihe omukriste kehe kotoka. Tonata ope na oshiponga, tonatela olutu luoje. Tonatela omuenjo guoje koombuto duuvu. Oluindji kUushimba aapangi je na iilonga ojindji, oshoka aantu ji itoolela omikici omiunaji ngashi, okandongo, oshinena, noshange. Tala Rom 13:12-14 Fil. 4:13.

Omupangi Michael S. Uupindi.
(Okahandja Hospitaal)

Ngoka to tala oonjushi nomagadi gado ito ga li, Onkene ngoka to tala okukondjica uulunde manga u li kombanda jevi, uutoje uomegulu ito ke u makela.

J Tuamoneni Filippus.
Orangemund.

O K A A N D J E T U



KAARINA PUPUTTI.

Omupangi Kaarina Puputti okua mana oondjenda esiku etijaali ljejumuko. Oje okua longo oshilonga shokuhunga aavu moshipangelo shokEngela. Aakuanjama ajehe je mu shi nua noku mu pandulila omajakulo ge ogenjigendji. Sho kua li pokucikama a je, kefudo ljomu Suomi, okua kuatua kuuvu uudigu. Nuuvu mboka inau mu eca, nando kua pangua mu Swakopmund no mu Engeland no mu Suomi uo. Okua li e nokukala mombete muuehamue ouindji ecimbo li vule omumvo gumue.

Ihe pecimbo ndjoka Omua muene okue mu longekidile etembu lje. Onda mono oluindji ompito joku ke mu talela po, sho kua lala moshipangelo. Sho tua kundacana auambo noshilonga shetumo shomOuambo onda dimbulula, nkene okue shi diladila nohoole onene noku shi galikanena. Manga uuvu inau geja, unene, okua tumbula oluindji ondjuulukue je jokujuulukua aakuanjama mboka oje okua longo najo. Ihe komeho muje mua monika ondjuulukue jimue ajike, ondjuulukue jokujuuca megulu. Eeno, ngashingeji okua ciki ko. No ndi shi shi, andola oje a uapa oku tu popica natango, ando e tu lombuele, tse tu konge ehupico l'j'Omuaa no kuenda uo nondjila je sigo oje muene te tu uile.

R. V.

KUKU SIGRID TARKKANEN

Omuselekadi guomuulikitumo guonaale, omudoktora Matti Tarkkanen, okua iilua esiku eti 12 mu Juni 54. A kulupilila nokuli konjala a tsakanice oomvula 88, nokua li a juulukua okutembukila megumbo ljomegulu. Naale naale kua jile no kOuambo pamue nomuulikitumo. Okua li omugalikaneni omudiginini guoshilonga shetumo no guilonga ajihe joshilongo sha Kalunga. Kalunga na hambeleleue aantu je jatjangaaka.

kUukolonkadi:

Abraham Amuandi a si 7. 5. '54.

OHO UUVU KO TUU?

Omukriste omukuetu nda hala ndi ku tsejicile pafupi olueendo lueetu eti 3. 4. 54. Esiku ndjoka oljo tua cikama pEenana e tatu ji kUuzilo keha ndjoka ngika ho li uvu uo Nakalunga.

Esiku eti 4. 4. 54. osondaha ndjoka otue ji ningile mOnakalunga. opua li aantu ojendijendji ja zi komikunda dokokulekule.

Ngame sho nde ja tala, nda dimbulukua oohapu dOmuaa Jesus sho e ja dimbulula ja fa oonzi daa nomusita, e ta ti: „Ileni ku ngame otandi mu pe evululuko.”

Ngame nda ningi Elongelokalunga petameko.

Omusamane P. Shalemana a ningi euvico moohapu doteksti Joh. 8: 46- 59. Oje kui ikuatelele mpa: „Ongoka guomu Kalunga

kOhalushu:

Maria Hamunjela a si 18: 1. '54.
Ndeuhala Kahupi a si 31. 1. '54.
Salomo Haipumbu a si 9. 2. '54.
Petrus Hashilundo a si 22. 2. 54.
Pinehas Kalumenhu a si 4. 3. '54.
Albertina Josef Kandjubua a si 16. 3. '54.
Johannes Junias Hangula a si 14. 3. '54.
Rebekka Ndahepele a si 26. 3. '54.
Hendrina Petrus Kandjala a si 28. 3. '54.
Lasarus Pandekeni a si 7. 4. '54.
Elisabeth Shongeleni a si 24. 3. '54.
Adelina Sem a si 12. 4. '54.
Abraham Mutota a si 23. 4. '54.
Fried Sheefeni a si 4. 5. '54.
Lukas Kandadi a si 11. 5. '54.
Penejambeko Matias a si 15. 5. 54.
Abraham Siueda a si 30. 5. '54.
Sakaria Hengobe a si 29. 5. '54.

kOnguediva:

Martta Hambeleleni ja Hosea a si 29. 1. '54.
Rauna Nikodemus a si 1. 2. '54.
Perskila Nikodemus a si 3. 2. '54.
Nehemia Ndjamba a si 13. 2. '54.
Uilika Lorinia ja Hedula a si 19. 2. '54.
Markus Veikko a si 26. 4. '54.
Goliata Katanga a si 15. 5. '54.

kEndola:

Elika Kristian a si 21. 3. '54.
Paulus Hipondoka a si 12. 4. '54.
Naemi Ndatjapo a si 24. 4. '54.
Rauna Johannes a si 23. 4. '54.
Kornelius Andreas a si 23. 4. 54
Sesilia Helao a si 17. 4. '54.
Teofilus Pondoleni a si 26. 4. '54.
Næftali Salomo a si 23. 4. '54.
Sem Johannes a si 28. 4. '54.
Jafet Johannes a si 29. 4. '54.
Mateus Taapopi a si 28. 4. '54.
Wilhelm Ingashipola a si 14. 5. '54.
Kirus Vilho a si 20. 5. '54.
Beata Muatotele a si 6. 6. 54.
Anna Hauala a si 12. 6. '54.
Martin Elia a si 12. 6. '54.
Verbard Elia a si 12. 6. '54.
Rauha Stefanus a si 24. 6. 54

kEenana:

Petrina Muandingi a si 7. 3. '54.
Paulus Shilongo a si 13. 5. '54.
Teopolina Petrus a si 8. 7. '54.
Elina Nangombe a si 14. 7. 54.
Azaria Stefanus a si 22. 6. '54.

otu uvu ko oohapu dandje.” Tala esiku ndika nda fa ndi luete Omuaa sho a cikamene uo kondundu e ta popica mboka e ju uvitile ohennda. Omukuetu ua dimbulula tuu ohenda jOmuaa guoje? Ongoje ua valululua kombuto ihaji hulupo (1 Pet. 1:23.) Oho uvu ko tuu oohapu domuenjo sho tadi ku lombuele? Ongoje sho ua lesa mu Joh. 8:47. Ndi shi oohapu dika ue di uvicilua no mosondaha ndjoka? oua li tuu ua uvu ko nua? Tala nkene Omuaa ta lalakanene omuenjo guoje u galukile kuje.

Ngame nda landula omusamane P. Shalemana. Nda lesa uo moohapu domevangeli ndi Joh. 8:51. Moku di lesa, nda dimbulula Omuaa Jesus nkene tu ulukile ndje uo ondjila jomuenjo oje: Okudiginina oohapu de.

Omukriste omukuetu, ondi shi shi kutja oho uvu ko tuu oohapu da Jesus,

EPINGACANO LJAATUMUA.

Petameko lja Juli aatumua jatatu, kuku Lyyli Levanen na kuku Karin Lonnberg na pamue najo felaini omupangi Hiikka Bjorn ja shuna moshilongo shaandjauo. Kuku Levanen na kuku Lonnberg ajehe jaali ja jakula auambo oomvula dauo duukolele. Ngashingeji ja ka kulupila mu Suomi. Felaini Bjorn ta vululukua manga hujaka a galuke ihe e noonkondo oompe. Ajehe mbaka jatatu otatu ja halele evululuko euanaua lja jambekua ku Kalunga Tate.

Aatumua mbaka nando ja shuna aatumua aape ja holoka.

Felaini Rauha Voipio a galukile mOuambo muka mu Juni nokuli. Ta longo manga mOniipa. Pamue naje kue ja aafelaini jatatu Timea Hytonen, Marta von Schanz na Lahja Grondahl. Ojo ja mono iilonga jauo kOkavango.

Ku Swakopmund kua zi felaini Paula Rajalinna. Oje a langekua ku Elim.

Mu Juli mue ja isheue aatumua. Gumue guomujo oje meme Lyyli Mantere, nguka a jakula naale kEngela no kEenana no kOnandjokue. Ngashingeji a tulua mOngandjera.

Omulongi omupe felaini Lahja Lehtonen a tulua manga mEngela nomupangi Kaino Kovanen ta ka longo kOnandjokue ihe tango ta longua manga oshindonga mOshigambo.

Ajehe mbaka natu ja dimbulukueni momagalikaneno getu noku ja indilila ejambeko lja Kalunga moshilonga shauo. Inatu dimbueni okuhambelela Kalunga shoka natango a hala okutsikila oshilonga she mokati kaaambo noku shi taneka nokuli.

EKUNDO KAAMATI JOMEHALAKANO

Aamuameme mu Jesus Kristus, tatu lesa: „Kaku na ngoka ta vulu okudika omukanka gulue, ogo tuu nguka gua dikua, ogo Jesus Kristus ihe tu taleni nkene tatu itungile kuguo.”

Kuume kandje mOmuaa nda hala mu dimbulukue kutja otse ongondu jimue jo mOmuaa, dimbulukueni Omuaa Jesus ngoka e tu sile nokue tu humbatele uudigu uetu auhe, nombinzi je ondjapuki taji dimipo oondjo detu adihe, inatu taleni aantu nokukala kuauo, ihe taleni Jesus muene, osho kehe ngoka tu nokuholoka koshipala sha Kalunga otse atuhe ngashi tu li ogumue nogumue, haku tala oojakuetu taku tu hupica, aue, okuigandja koshipala sha Kalunga tu hupicue ku Kristus Jesus. Kristus oje eliko ljetu nge tu mu na. Tala omukuetu ua dimbulula tuu kutja ajihe ue ji tala otaji hulu po?

Tu longeni manga ku nomutenja, uusiku tau ja, katu vulu ue okulonga sha.

G. Shapopi Utoni

ihe tandi ti; oho diginine tuu? Tala ko okuaa na uudiginini, okua fa oshimbamba tashi zija, ihe uudiginini oua fa oshijuma hashi diginine nua omeja ga tilua mo komuene guasho.

Omukuetu miikuatelua mbika ijaali, oua gama peni? 1) oshimbamba 2) oshuma.

Omuaa ta ti: Ngele pu na ngoka ta diginine oohapu dandje ita makele eso.” Ongame sho nda hulica nda landulua uo kOmutumua A. Kojo. a lesa Joh. 10:16.

Oje kui ikuatelele mpa: Jesus omusita omuanaua ta lica oonzi de muudiginini, oonzi de e di shi, ohadi uvu eui lje. Omukuetu ndi shi ue shi didiliké ngele to lica iimuna jeni, nkene haji uvu eui ljoje ngele to ji ganda, osho uo oshimuna tashi galuka mbala, ngele sha adika shi ijake mo. Osho Jesus ta ganda oonzi de nombili ontalala, oje a hala adihedihe di je kuje. Jesus ta icana oonzi de tadi ji okukonga uutoje u uujuni mbu, oshoka ouo oshiponga (Fil.3:7-8) Omukuetu omuhoolike nonzi ja Kristus, oho uvu ko tuu eui l'j'Omukulili guoje? „Diginina” Ehol. 3:11

M. Shikongo.